

PANTUN ALAM REMAJA

Baca dengan teliti dan suai padankan antara rangkap pantun dengan persoalan pantun yang betul.

Rangkap pantun
Elok rupanya kumbang jati, Dibawa itik pulang petang; Tidak terkatakan besar hati, Melihat ibu sudah pulang.
Dibawa itik pulang petang, Dapat di rumput bilang-bilang; Melihat ibu sudah pulang, Hati cemas menjadi hilang.
Ayam kinantan terbang mengekas, Hinggap di ranting bilang-bilang; Melihat bonda pulang lekas, Hatiku besar bukan kepalang.
Kita menari keluar bilik, Sebarang tari kita tarikan; Kita menyanyi adik-beradik, Sebarang nyanyi kita nyanyikan.
Hanyut batang berlilit kumpai, Terdampar di ujung Tanjung Jati; Bonda pulang bapa pun sampai, Kita semua berbesar hati.
Ramai orang bersorak-sorak, Menepuk gendang dengan rebana; Alang besarnya hati awak, Mendapat baju dengan celana.
Mahulah kami hendak melapun, Lapun dibawa orang menjaja; Jangan marah kami berpantun, Budak kecil biasa manja.

Persoalan
Anak-anak akan sangat gembira sekiranya ibu pulang awal ke rumah.
Aktiviti nyanyian bersama-sama ahli keluarga dapat mengeratkan hubungan antara adik-beradik.
Kegembiraan anak-anak adalah sewaktu menyambut kepulangan ibu bapa mereka pulang bekerja.
Sikap anak-anak yang suka bermanja dengan ibu bapa.
Hubungan kasih sayang antara ibu bapa dan anak-anak.
Anak-anak akan sentiasa cemas dan risau sewaktu ketiadaan ibu bapa di rumah.
Pemberian hadiah daripada ibu bapa dapat menggemirakan hati anak-anak.